

上海圖書館藏

上海圖書館藏

禮記卷之四

禮記卷之四

禮記卷之四

序

郡邑之有志所以紀風土考
制度也顧直省有通志矣而
郡復各有志郡既有志矣而
縣復各有志良以轄境既廣
勢不能於偏隅之地覩縷無



遺以故郡志視省志加詳而
縣志又視郡志加詳俾考古
者循流溯源而益觀其備則
縣志不容或缺也麗水為括
郡首邑向無縣志僅散見於
郡志中余按士栝州嘗取郡

志覽之見夫枯蒼舊俗志雖
舉其大概而歲久失脩已百
餘年因革制度攷鏡無由今
邑侯蒙化張鏡蓉同年徵文
攷獻創輯縣志視郡志所載
盖加詳備書成乞余一言弁


其首余謂作志之難猶之作
史子目冗碎體例不精其病
也瑣發潛闡幽闕漏不備其
病也踈採訪人物傳聞不實
其病也舛輯錄詩文抉擇不
精其病也蕪前人有志而後

人脩之尚不免踵謬襲譌况
創為新志乎是書凡例標舉
諸病斤斤審慎詳簡得宜甄
綜有法誠使處郡十邑踵而
效之各脩其志然後彙而萃
之纂輯郡志則君初始之功

不愈偉哉抑又聞之麗水俗
尚儉樸人重本業守禮奉公
昔稱易治茲復際
隆盛之世休養生息涵濡
聖澤至深且久則醇儒蔚起
必有可垂諸志乘者君網羅

舊聞於孝弟廉節之大必備
書之以資勸勉則又良有司
振勵風化之深心而邑之人
當俛焉孳孳以求至於風淳
俗厚之休者也余故樂為之
序時

道光二十六年四月禮部右
侍郎提督浙江學政吳縣吳
鍾駿書於栝蒼試院



序
往時閱明一統志而恠其疎
舛之甚也既而思之編纂者
多本於郡邑志乘而志乘之
作不必盡出自通才如劉子
元所云真偽不別是非相亂

競美所居談過其實者蓋多
有之持擇不精則遂以彼冊
之瑕為我書之玷矣

昭代

列聖相承館撰諸書悉稟承
宸斷故皆矜慎不苟而

大清一統志自
純皇帝勅撰成書以後
特詔重脩
睿皇帝及我
皇上咸委任詞臣隨時脩葺
未始迫以歲月蓋欲實事求

是矯私家誌乘之誣也張鏡
蓉明府纂麗水縣志山川物
產率得之目驗不為恢張卓
詭之談人物見於史傳者則
具錄全文采自輿論者必考
其實行其他利弊所在則因

革必詳詞翰雖繁非殊尤不
錄而稗官小說新奇可喜之
詞不與焉使以此供館閣取
材則裒集者當用力少而收
功倍何至有疎舛之虞哉顧
余於鏡蓉則尤有進焉李宏

憲職居台袞而自序元和郡
縣志以為成當今之務樹將
來之勢者莫此為切蓋欲覽
者考鏡得失見諸施行也今
以鏡蓉書核之通濟渠為水
利所關近歲未之或治也書

院為人才所自出往昔奚為
中隳也語曰君子信而後勞
其民鏡蓉力政勤民民信之
矣庶幾經營倡率次第修舉
乎余將泚筆而書其事焉
道光二十六年歲在柔珉敦

牂仲春上澣

欽命分巡浙江溫處等處地
方海防兵備道兼管水利事
務加五級紀錄十二次長白

慶廉撰



序

志乘之作使覽者不出戶庭而
悉其土地之利病舉凡司牧之
官與道藝之士考鏡得失咸有
取焉明世以來偏隅下邑咸編
書成書而麗水為括州望縣乃

獨無之蓋地當甌閩咽喉政煩
事劇備官者率無暇以為而記
載流傳燬於寇兵蕩於鴻水方
閒之士雖有志譔述每苦蒐訪
之難也滇南張鏡蓉明府有良
吏才事無纖巨迎刃而解莅治

期年民以大和乃奮意創為之
明府之言曰志之美者二端曰
博瞻曰簡嚴范至能之吳郡潛
君高之臨安宏整富麗斯為美
矣然必有故實以供鋪陳有文
獻以資考證聚材集益用成偉

製若是者吾不能也康德涵之
武功韓汝度之朝邑執林誇詡
推為絕手然謂宏綱細目盡括
於數篇之中豈其然哉若是者
吾不為也吾稽之簡冊核之碑
碣詢之故老而旁搜於吏牘是

者筆之非者削之疑者闕之如是焉而已余聞之歎其持論之平稿且削余謬膺卓薦將入覲取而讀之每盡一篇未嘗不稱善輒為品藻之曰慎而不漏該而不侈其紀事也質而不俚典

而不雜其修詞也其諸古之所謂彬彬者歟書以為序識者必韙余言焉

道光二十六年歲次丙午二月中浣
欽加道銜知處州府事加二級

又軍功隨帶加二級紀錄十二
次長白恒奎譔



序
昔人輿地之書如元和郡縣志之屬準道里之遠近審形勢之要害詳貢賦之等差取與史志相參而已至樂氏太平寰宇記廣而及於人物自

是郡邑志乘咸刊為標目遂與史傳相表裏矣張明府鏡蓉纂麗水縣志成於人物一門特為矜慎而議者謂其兼記善惡錄及瑣事殆不無遺憾焉余取而讀之而知議者

之言不足以相難也何也史
傳垂千秋之袞鉞志乘為閭
里之光榮厥旨稍殊其為直
筆同歸也果其人為桑梓之
玷削而去之耳若瑕瑜不掩
從其實而書之即一人之身

而懲勸昭焉是良史之意而
直道之行也如周益公碑梁
汝嘉言其阻和議薦韓岳而
宋史謂其黨於秦繆醜片語
之歧品殊蘭棘雖益公通才
名德斷非諛墓然必執碑文


以議史傳是為阿矣兩列以
志存疑不知蓋闕君子之用
心也瑣事者亦問其事為何
等事耳如此事足為矜式錄
而傳之使聞風興起蒸成善
俗固良有司責也且司馬氏

傳游俠范蔚宗傳獨行夫非
一節之美哉若僅侈科目之
浮榮略躬修之實行有宋梁
克家氏三山志不嘗見屏於
儒林乎故曰議者之言不足
以相難也余自少歲試吏浙

中泃更守長迄今三十餘年
每念浙為先世節鉞舊邦謳
歌未泯所至必訪求志乘考
鏡得失以無貽前人羞麗為
倚郡望縣而記載闕如方為
搯腕朶府乃能徵文考獻勒

為成典昭示來茲非余之深
幸哉是書體例之善學使吳
公已備言之余特因人言而
折衷之且以志私心竊慰者
如此
道光二十六年歲次丙午夏

月中澣署處州府知府加六
級紀錄十二次桐城方秉譔



麗水縣志凡例

麗水縣知縣蒙化張銑纂

麗水向無縣志僅散見於府志中而舊志自宋曾賁
栝蒼志以下及明成化志諸書已不可見廣爲蒐
羅僅得何鏗萬歷中所輯栝蒼彙紀雖疎畧舛訛
時所不免而甄綜有法不甚冗濫今采錄爲多
志乘之體首貴簡要然事關掌故者不宜過爲剪薙
明代朝邑武功二志數百年來推爲傑作然以矯
冗漫則可謂盡得要領或未也今酌施豐約不敢
以疎畧爲高簡使徵文考獻者有不備之憾

麗水縣志

卷之一 凡例

一

子目繁碎爲志家大忌邇日偏隅小志多有徵事寥
寥而虛張篇目詭冒詳贍者是自欺以欺人也今
於門類可省者概從合并

星野之說言人人殊究以何者爲定縱使言成準的
而一星所占其度甚廣安在私照百里乎此在全
省通志自可列爲專門而州邑私書決當削其標
目

班書地理志首載禹貢劉子元譏其失於限斷麗水
得名始於唐代旋析而爲縉雲青田復析而爲雲
和宣平今一以見在疆域爲斷其已析爲他縣者

概不闌入而備著沿革於表內以識數典不忘之意

名山勝境經題品而益彰麗爲浙東僻縣逸客高人罕聞戾止而宦轍所經不免勞形簿帙探幽陟險在所未遑故有勝水佳山而嘉名未錫者亦不敢妄爲標目自我作故

近代志家於學校一門載及頒發之書籍祭樂之器物此乃率土所共安見爲一邑所獨乎且充其類則樂舞之篇章拜跪之儀節亦當逐一臚陳豈勝

米鹽乎

明李之藻類宮禮樂疏固別自成書矣

會稽實齋章氏雅號

麗水縣志

卷之一 凡例

二

通才乃從而爲之詞波流弟靡殆絕知者之聽職官一門文職斷自知縣以下武職斷自都司以下不及統轄大僚縣志之體也其有功績顯著如濬渠興學之類仍依類直書但不入表不裁傳以明限斷耳

彙紀人物但分時代不立標目猶羅端良新安志潛說友臨安志之體也雍正處州府志好事紛更標名世爲專門已屬杜撰甚且勲烈經濟妄生區別篤行隱德隱德之外復有隱逸亦判畛畦割裂糾紛殊乖大雅蓋效施武子會稽志而其失彌甚者也

武子既有人物

傳復有經學文章宰輔侍從等名豈經學諸公不得爲人物乎 今定從彙紀之舊

以昭典則

人物無論事蹟鴻纖均宜徵實乃有史傳彪炳而彙紀及雍正府志所載寥寥數語僅以空言致美者非體甚矣今史傳具錄全文不遺一字至墓誌神道碑等則恐涉阿私慎爲擇取其他空言致美者亦過而存之恐係當筆者之疎畧未必其人一無可道也

明史以盧鏜爲汝甯衛人考鏜先世於永樂初入處州衛今宅廬冢墓一一具在不得以史傳誤著其

麗水縣志

卷之一 凡例

三

祖貫而外之也沈鍊隸紹興衛故明史以爲會稽人然題名碑尙署麗水人康熙中知府周茂源請祀麗邑鄉賢部議准行則宜歸甄錄矣他如葉清臣初非麗產當糾舊紀之違葉夢得自是吳人不踵潛溪之謬見宋集葉府君墓碣凡此之倫務求確有據依不欲強爲攀附至浙江通志謂梁汝嘉諂事秦檜舊志曲爲揄揚是非失實考周必大譟汝嘉神道碑稱其阻和議奏用韓岳諸將正與史傳相反又考咸淳臨安志歷著其知臨安功績復與史傳相合其間異同之故難爲臆決故直書史傳摘附碑

文以志存疑

功令刳股者不以孝論立意最爲深遠但能不惜支體以療其親則他無悖德可知今男婦有刳股等事者竝爲采錄蓋律令損過以就中所以設大法志乘表微而獎善所以順人情固兩不相妨也

職官人物見存者不得入傳惟貞節婦女則無問存歿均得收采考浙江通志列女門或但書姓氏畧無事蹟誠以婦人不與外事而操行完潔者尤多足不踰梱無從載筆也今凡年例符合輿論允協者雖事蹟無徵竝爲登載惟守節年歲必詳考備

麗水縣志

卷之一

凡例

四

書以昭核實至三十後夫亡者例不

旌表今稍爲通變凡守節在三十四五以前果能飲冰茹蘖終始不渝別爲一類附綴於後以明善善從長之義若改易年歲遷就

旌典則斷所不出耳

范至能吳郡志詩文散見各門不立專目彙紀尙用其體雍正府志總彙爲卷不如舊貫之善矣今仍依類綴緝而以諸家著述書名倣班書之例列爲

藝文

彙紀所錄詩文多有可觀雍正府志續收則披沙竟

日見寶無時矣今詳加別擇甯嚴毋濫至唐人洞
溪十詠雖故籍所有諷語意而決其僞放翁南園
諸作雖本集所無審氣格而定爲真棄取之間各
有微旨

府志藝文卷內舛謬甚夥如文之有碑銘首尾具體
也乃析爲異卷詩之分古律途徑各判也間混爲
一科他若劉巨濟三巖紀遊謬入之靈鷲王介甫
天童有作強移之石羊此則彙紀之誤而府志一
例因仍畧無繩糾凡此之類所在多有今竝爲釐
正

麗水縣志

卷之一

凡例

五

記事之文有關掌故及文詞爾雅者咸宜登載然或
篇幅龐鴻勢當節刪以省卷帙但不敢因刪節而
有增改致蹈謬妄之譏

詹南二司馬功德在民禮宜食報流俗因舊碑有白
蛇示異語改神廟爲白龍已屬非宜乃復因白龍
而有龍女因龍女而有龍子輾轉滋生謬悠難詰
雖流傳出自故老而知識有類童昏矣今祠祀門
中直書二司馬廟而龍女龍子等概不之及以與
國家祀典相表裏不得意爲瞻徇也其他筆削亦以此
意消息之

麗邑前修著述甚夥自更兵燹繼以水災不特卷帙無存卽梨棗亦歸蕩泯秀水朱氏經義考古籍缺佚者亦載其目今凡書名確有依據曾爲賢達所褒雖本書未經寓目竝著於錄倘名山儲藏銷蝕未盡好古之士得按目以求焉

酈善長注水經廣收前代碑碣後來作志乘者率師其意至至元嘉禾志定卷纔逾三十金石乃居三之一以足與史書參證也近歲嘉興李金瀾學博撰栝蒼金石志麗邑古刻已蒐輯無餘故是編不復詳及

麗水縣志

卷之一

凡例

六

咸淳臨安志取材舊籍多註明出處最爲典核嘉泰會稽志則惟施於神仙及雜紀門中恐語涉不根易招掇擊也今采自彙紀者已不能盡詳所自其續采各書亦不逐一標明以昭畫一惟史傳必註明某史本傳庶無攘善之嫌至仙釋裁篇雖本前修初非通例但散見寺觀門中而鑿空之言仍所屏斥

里俗通行之字書塿爲坵堰爲圳術爲弄之類今俱

改從本字又有坵

安音

隣音

等字爲字書所無而官

司冊籍農田契券時或遇之初不知其本字何作

無從訂正姑因之以便通俗

胡身之注通鑑於舊注時有糾正自序云人之失吾知之吾之失不自知也今於彙紀府志亦多所糾正而疎畧之愆仍所不免幸通才達識匡其不逮焉

麗水縣志目錄

卷一 圖



卷二 疆域 附沿革表 城池 公署 學校

卷三 山水 水利

卷四 田賦 戶口 積貯 兵制

卷五 祠祀

卷六 古蹟 冢墓

卷七 寺觀

卷八 職官 宦蹟

卷九 選舉

麗水縣志

卷之一 目錄

一

卷十 人物

卷十一 人物

卷十二 列女

卷十三 經籍 風俗 物產

卷十四 雜記

麗水縣志

鑒定



浙江分巡溫處海防兵備道兼管水利事務加六級紀錄十二次 慶 廉

欽加道銜浙江處州府知府卓異加一級隨帶加二級紀錄十二次恒 奎

署浙江處州府知府即用知府加六級紀錄十二次 方 秉

總纂

麗水縣知縣加六級紀錄十二次記大功四次 張 銑

協纂

署麗水縣知縣加四級紀錄十二次記大功一次 科靈阿

麗水縣儒學教諭 賀王槐

麗水縣志

卷之一

職銜

一

署麗水縣儒學訓導 周士照

麗水縣儒學訓導 邵 紳

麗水縣志

參校採訪各姓氏

黃津 生員

顏啓 監生

張芳年 廩生

管和鳴 貢生

葉庭暉 貢生

葉雲蛟 貢生

葉雲鵬 貢生

何雲階 州同

朱景熙 州同

何士俊 增生

陳廷璋 貢生

葉向榮 生員

葉亦培 增生

葉壽椿 增生

李廷材 廩生

麗水縣志

卷之一

姓氏

二

沈士豪 生員

王鳳文 廩生

呂亦讜 廩生

楊世環 生員

呂成 生員

項以鎮 監生

翁國香 生員

朱有華 生員

魏儲蕃 監生

葉成聲 生員

孫志高 監生

王如辰 廩生

黃文中 生員

聶治凡 增生

葉逢辰 增生

張惠暢 生員

姚學道 生員

項逢源 生員

胡顯文 生員

季恒照 貢生

湯玉驥 增生

葉維珣 生員

楊雲鵬 廩生

楊大烈 生員

葉文濤 增生

楊炳麟 廩生

葉利晉 廩生

魏庭球 生員

譚學海 生員

李在門 廩生

譚學周 廩生

譚炯 貢生

王殿颺 廩生

魏際參 生員

莊致和 生員

楊獻琛 廩生

王榮 增生

鄭蘭 生員

武丕承 生員

魏協樞 生員

麗水縣志

卷之一

姓氏

三

何王墀 生員

周作棟 生員

閻其新 生員

曹順福 生員

王之藩 監生

呂禮章

葉如荃 廩生

葉丹桂

包含章

麗水縣志卷一

麗水縣知縣蒙化張銑纂

圖

元和郡縣志諸鎮之首各冠以圖猶周禮土訓掌道地圖遺意以阨塞要害按圖以求易以為力也近日志家或僅圖登覽之作以為觀美失其旨矣今於諸鄉各繪為圖俾井里山川瞭如指掌焉




麗水縣志

卷之一 圖

一






麗水縣志

卷之一 圖

一





縣治圖

麗水縣志

卷之一 圖

三






麗水縣志

卷之一

圖


四











麗水縣志


卷之一
圖


八



















十一都圖




麗水縣志

卷之一 圖







麗水縣志

卷之一
圖

十八









麗水縣志

卷之一
圖

二十一








麗水縣志

卷之一
圖

二十三






麗水縣志

卷之一
圖

二十四





麗水縣志

卷之一
圖

二十五






圖西南都十二



圖都九十



圖西北第一

麗水縣志


卷之一 圖


二十七






二十二都圖上






圖都三十二





圖都五十二







麗水縣志


卷之一
圖


三十四
































麗水縣志

卷之一 圖

四十六







麗水縣志

卷之一 圖

四十八





